

Broj: 09-45-1904/21
Sarajevo, 17.06.2021. godine

PARLAMENT FEDERACIJE BOSNE I HERCEGOVINE
PREDSTAVNIČKI / ZASTUPNIČKI DOM
n/r SEKRETARA gosp. Izmir Hadžić

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilježeno: 21-06-2021			
Org. jed.	Broj	Priloga	Vrijednost
05/2	- 02 -	223	21

x1

Predmet : Odgovor na delegatsko pitanje

Na 11. redovnoj sjednici Doma naroda Parlamenta Federacije Bosne i Hercegovine , održanoj 27.05.2021. godine delegat Jasmin Duvnja postavio je Federalnom ministarstvu pravde sljedeće delegatsko pitanje:

„Da li je i dokle se stiglo sa uvrštavanjem Zavoda za javnu upravu u registar budžetskih korisnika, da li se dakle stvaraju pretpostavke da ovaj Zavod u skladu sa odredbama Zakona o federalnim ministarstvima i drugim tijelima federalne uprave, može u punom kapacitetu da funkcioniše, a ima veoma bitne poslove za reformu javne uprave i vrlo je bitno da se ovo uradi i osiguraju pretpostavke za dalje kadrovsko i infrastrukturno jačanje Zavoda i njegovo normalno funkcionisanje“

Federalno ministarstvo pravde, na postavljeno zastupničko pitanje daje sljedeći

ODGOVOR

Zavod za javnu upravu je na osnovu člana 7. Pravilnika o načinu vođenja Registra budžetskih korisnika Budžeta Federacije Bosne i Hercegovine („Službene novine Federacije BiH“ broj:30/14) dostavio zahtjev Federalnom ministarstvu finansija za upisa Zavoda za javnu upravu u Registar budžetskih korisnika.

Međutim, Federalno ministarstvo finansija je u svom odgovoru istaklo da će Zavod upisati u registar budžetskih korisnika kada Vlada Federacije Bosne i Hercegovine donese odluku po ovom pitanju.

Ističemo da je Zavod za javnu upravu osnovan Zakonom o federalnim ministarstvima i drugim tijelima federalne uprave („Sl.novine Federacije BiH“ broj: 58/2002) i nalazi se u sastavu Federalnog ministarstva pravde (Član.7. Zakona) i da su ispunjeni svi uslovi za upis Zavoda za javnu upravu u Registar budžetskih korisnika koji su navedeni u članu 4. Pravilnika o načinu vođenja Registra budžetskih korisnika Budžeta Federacije Bosne i Hercegovine („Službene novine Federacije BiH“ broj:30/14). te da po ovom pitanju nije potrebna Odluka Vlade Federacije BiH i da Zavod mora imati isti status kao i druge uprave i upravne organizacije koje se nalaze u sastavu ministarstva (npr, Porezna uprava u sastavu Federalnog ministarstva finansija.)

Vlada FBiH je svojim Zaključcima iz 2016. 2017 i 2019. godine zaduživala Federalno ministarstvo pravde da izvrši izmjene i dopune Pravilnika o unutrašnjoj organizaciji u cilju kadrovskog jačanja Zavoda i popune upražnjenih radnih mjesta, a istim je zadužila Zavod za javnu upravu za obavljanje poslova i svih aktivnosti koje se odnose na reformu javne uprave u Federaciji BiH. Ovdje želimo istaći da je pored poslova utvrđenih gore pomenutim zakonom, ovaj Zavod zadužen za izuzetno širok spektar aktivnosti u pogledu reforme javne uprave, uključujući koordinaciju reformskih procesa u ovoj oblasti za cijelo područje FBiH, pri čemu trenutno vodimo složen proces usaglašavanja stavova sa kantonalnim vladama u cilju harmoniziranja zakonodavstva u državnoj službi, što će za rezultat imati eliminaciju fragmentacije javne uprave koja trenutno postoji.. Na osnovu ovdje izloženog, a imajući u vidu da naša zemlja nekoliko godina unazad dobiva negativne ocjene u mišljenjima Evropske komisije u pogledu reforme javne uprave, ovo stanje se može prevazići jedino na način jačanja kadrovskih i tehničkih kapaciteta institucija koje su po zakonu nadležne i odgovorne za stanje u ovoj oblasti.

Što se kadrovskih i materijalnih pretpostavki za uspješno vođenje procesa reforme javne uprave ističemo da je Federalni ministar pravde 2019. godine uputio Pravilnik Zavoda za javnu upravu (koji je sastavni dio Pravilnika Federalnog ministarstva pravde) Vladi Federacije na davanje saglasnosti. Vlada Federacije je dala saglasnost na Pravilnik Zavoda u decembru 2019. godin i istim je povećan broj izvršilaca na ukupno 14. Napominjemo da trenutno u Zavodu imaju uposlena samo 3 državna službenika i Direktor zavoda, a od toga je samo jedan državni službenik za upravu.

Međutim, ni nakon traženja Federalnog ministarstva pravde da se odobre sredstva iz budžetske rezerve za potrebe kadrovskog jačanja Zavoda, Federalno ministarstvo finansija i Vlada Federacije BiH nije odobrila ta sredstva.

Federalno ministarstvo finansija također potrebna sredstva nije planiralo niti Budžetom Federacije za 2021. godinu i pored činjenice da je Vlada Federacije BiH donijela Zaključak V-broj:1373/2020 od 08.10. 2020. godine kojim se „zadužuje Federalno ministarstvo finansija da u Budžetu Federacije Bosne i Hercegovine za 2021. godinu planira sredstva za kadrovsko jačanje Zavoda za javnu upravu, a u skladu sa Pravilnikom o unutrašnjoj organizaciji, po kojem je sistematizovano ukupno 14 radnih mjesta od čega su popunjena samo 4.“

Imajući u vidu značaj javne uprave za ukupno funkcioniranje države i njenih institucija, kao i potrebu unapređenja njenog rada u okviru reforme javne uprave na koju se Bosne i Hercegovina

obavezala i što je jedan od uslova za članstvo Bosne i Hercegovine u Evropskoj uniji, potrebno je otkloniti blokade materijalnog i kadrovskog jačanja Zavoda za javnu upravu, kako bi mogli postići očekivane rezultate u provođenju reforme javne uprave.

S poštovanjem,

Dostaviti:
-Naslovu
-U registar
-Arhivi

